

ԶԻՅՆՈՒԼՎԱՆ ՊԵՏՈՒԹԻՒՆԸ

(Զւիցերիայի 600-ամեայ տօնի առիթով)

ՄԿՐՏ. ՄԱՆՈՒԶԱՐԵԱՆԻ

(Նաբունակութիւն¹⁾)

B. ԳՈՐԾԱԴԻՐ ԻԾԽԱՆՈՒԹԻՒՆ (pouvoir exécutif)

Գործադիր իշխանութիւնը, ինչպէս լիշեցի, պատկանում է դաշնակից խորհրդին (conseil fédéral)։ Մինչ 1848-ը իսկապէս ասած զուլութիւն չունէր կենտրոնական մի մարմին, որը կարելի լինէր գործադիր իշխանութիւն անւանել և ոչ իսկ նա ունէր մշտական բնակատեղի (résidence)։ 1848-ից որոշում է դաշնակցութեան զլխատր և մշտական կենտրոն Բէրն քաղաքը, որը և այդ պատճառով կոչւում է դաշնակցական քաղաք (Bundesstadt)։

Դաշնակից խորհուրդը բաղկանում է 7 անդամներից, որոնց ընտրում է Դաշնակից ժողովը 3 տարի ժամանակով։ Ընտրւել կարող են բոլոր քաղաքացիները, որոնք ներկայացուցիչ լինելու իրաւունք ունին։ Ընտրողութիւնը պէտք է կատարւի անպէս, որ մինեուն կանտոնից երկու հոգի խորհրդի անդամ չը լինեն։ Դաշնակցական խորհրդի անդամը ոչ մի անգամ պաշտօնով պարագլել կարող չէ։ Ընտրւելուց լետոյ նրանք ալ ևս պարլամէնտին չեն պատկանում։ Իսկ իրաւունք ունեն ազատ մուտք գործելու պալատները և առաջարկութիւններ անելու։—Դաշնակից խորհուրդը ունի իւր նախագահը և փոխ նախագահը, որոնց ընտրում է պարլամէնտը մի տարի ժամանակով։ Ոչ նախագահը և ոչ փոխ նախագահը կրկին ընտրւել չեն կարող (sont élus pour l'année et non rééligibles)։ Նախագահը

¹⁾ Տե՛ս «Մուրճ» № 9։

կրում է դաշնակցութեան նախագահի փքուհ տիտղոսը (président de la confédération). Իսկ իրականապէս նա լոկ դաշնակից խորհրդի նախագահ է և վարում է նիստերը և ոչ մի ուրիշ արտօնութիւն կամ իրաւունք չէ վաւելում: Ստանում է միւս անդամներին համահաւասար ոռճիկ: Դաշնակից խորհուրդը իսկապէս ասած վարչական մի օրգան է և ոչ իշխանութիւն, նա կատարեալ ենթարկւած է պարլամէնտին, եթէ կարելի է ասել, իրագործում է պարլամէնտի կամքը, վարելով նորա գործերը: Հսկում է օրէնքների իրադործման, երկրի ներքին և թէ արտաքին ապահովութեան, կատարում է ֆինանսական, զինւորական և այլ մի քանի նման գործեր, համաձայն պարլամէնտի տւած հրահանգներին և ամեն անգամ, երբ պարլամէնտը հաւաքւած է, նա հաշիւ է ներկայացնում իւր գործավարութեան մասին:

Եթէ պարլամէնտը ցրւած է և վտանգ է սպառնում երկրի խաղաղութեան արտաքուստ թէ ներքուստ, ապա գործադիր իշխանութիւնը, իրաւունք ունի անմիջապէս մինչ 2000 ղիներո կոչել. բայց եթէ կարիք եղաւ հաւաքւած զօրքերը երեք շաբաթից աւելի պահելու և կամ թիւը աւելացնելու 2000-ից, ապա նա անպապաղ պարտաւոր է պարլամէնտը կանչելու, առանց որին մի քալ անել կարող չէ:

Դաշնակից խորհուրդը բաժանւած է 7 ղէպարտամէնտների, որոնցից իւրաքանչիւրը լանձնւած է մի անդամի: Օրինակ, քաղաքական, ներքին, արդարադատութեան և ոստիկանական, զինւորական, ֆինանսների, վաճառականական ու երկրագործական, պոստ ու երկաթուղիների: Այդ բաժանմունքը լոկ վարչութեան ղիւրութիւն տալու համար է. իսկ ինչ վերաբերում է խորհրդի պատասխանատուութեան, խորհուրդը պատասխանատու է համերաշխաբար (solidairement) (գդ. 103 Դ. Ս.):

Ինչպէս նկատում է ընթերցողը, գործադիր իշխանութիւնը ոչ մի անկախութիւն չ'ունի. բայց չը նալւած դորան, նա կրում է լոկ պատուի կոչումը՝ «Դաշնակցութեան նախագահի» տիտղոսը (président de la confédération). Նույն իսկ նրան, ինչպէս լիշում էք, հաւատ չէ ընծալում զւիցերիացին ու մէկ տարով է ընտրում, ալն ևս երկրորդ անգամ՝ ընտրւելու իրաւունքից զրկելով:

Նորա ալդ տեսակ վարմունքը ինչ կերպ կ'ընդունէք, ալդ ես չը գիտեմ. միայն չը մոռանանք, որ Բոնապարտը նախ քան կալար լինելը, Ֆրանսիական հանրապետութեան նախագահն էր «իմպէրատոր»-ի (?) տիտղոսով. իսկ լուի Բոնապարտը, զրեթէ իրագործեց իւր ազգականի ծրագիրը, և երբ 1851-ին պետական հարածով երդմնազանց եղաւ, ամբողջ մի ազգի իրաւունքները ոտի տակը դնելով, Ֆրանսիական հանրապետութեան պետական անձնաւորութիւններից միմիայն չալտնի իրաւագէտ Պորտալիսը բացարձակօրէն բողոքեց և պահանջեց, որ պահապաններով դատարանին ներկայացնեն ապստամբւած նախագահին, ինչպէս պե-

տական դաւաճանի: Բայց միայն մի ձալն բաւական չէր ապստամբ նախադահի ե մի քանի հարիւր հազար կանոնաւոր զօրքի դէմ:

Ահա ինչու զւիցերիացիին մշտական բանակի դէմ է և ինչու նա հաւատք ընծալել չէ սիրում ում և լինի: Նա սիրում է իւր գործերը ինքը տեսնել և իրաւունք կարծեմ որ ունի, չէ...

C. ԴԱՏԱՍՏԱՆԱԿԱՆ ԻԾԽԱՆՈՒԹԻՒՆ

Դատաստանական իշխանութիւնը, որի կայանը գտնւում է Լոդանում, 1874-ի սահմանադրութիւնով պատկանում է զաչնակից ատեանին (tribunal fédéral). Հին կանտոններում միութիւնը միջնորդ դատարան էր միայն ճանաչում, չէլեւսական հասարակապետութեան ներքոյ ալդ սիստեմը ընկնում է. իսկ 1815-ին նորից երևան է գալիս: 1848 ից կալ զաչնակից ատեան լոկ հասարակական իրաւունքի համար, ալն ևս շատ սահմանափակ իրաւունքներով. իսկ ինչպէս իշխանութիւն, իսկապէս նա գոլութիւն ունի 1874 թւականի լունիսի 27-ի մի օրէնքով:

Մի ալլ անգամի թողնելով դատաստանական իշխանութեան փափուկ սկզբունքների հետ ծանօթացնելը, որը խոստանում եմ կատարել մօտիկ ապագայում, մտադիր լինելով խօսել Ամերիկայի դատաստանական կազմակերպութեան մասին, ես ալժամ կ'անցնեմ ուղղակի Զւիցերիալ զաչնակից ատեանին:

Դաչնակից ատեանը բաղկանում է 9 անդամներից և 9 փոխանդամներից, որոնց նշանակում է պարլամէնտը 6 տարի ժամանակով: Անդամներից երկուսը ֆրանսիական, մէկը իտալական, իսկ մնացածները գերմանական կանտոններից են նշանակւում:

Ատեանը ունի իւր նախագահը ու փոխ-նախագահը, որոնց նշանակում է նոյնպէս պարլամէնտը 2 տարի ժամանակով: Նախագահը կազմում է ատեանը ու հսկում քննիչներին (juges d'instruction) և ալլ դատարանական պաշտօնեաներին: Անդամներից իւրաքանչիւրը ստանում է 10,000 ֆրանկ, իսկ նախագահը 11,000 ֆ. տարեկան:

Ատեանը ունի նոյնպէս 2 քարտուղարներ, որոնք պէտք է գիտենան թէ գերմաներէն և թէ ֆրանսերէն. իսկ գոցանից մէկը կամ միւսը անպատճառ նաև իտալերէն: Դոքա ստանում են 6—8000 ֆրանկ տարեկան: Քրէական լանցանքների ատեանը նշանակում է 2 քննիչներ 6 տարի ժամանակով: Քրէական ատեաններում ամեն անգամ զաչնակից ժողովը նշանակում է մի ընդհանուր պրօկուրոր (procureur général), որը ներկալ է լինում լոկ քրէական գործերի նիստերում:

Որ և իցէ մի վճիռ կալացնելու համար, անհրաժեշտ է ատեանի 7 անդամների ներկայութիւնը: Գործերը կատարւում են հրապարակաւ և ոչ զուսկակ (huis clos): Ատեանի վճիռները գործադրելի են բոլոր

կանտոնների համար (Դ. Ս. 107.)։ Ատեանի իրաւասութիւնը երեք կարգի է բաժանուում։

I. Քաղաքացիական վէճերում, ինչպէս բարձրագոյն ատեան, վճռում են դաշնակցութեան և կանտոնի կամ կանտոնների մէջ ծագած վէճերը։ Դաշնակցութեան և մասնաւոր անհատի կամ անհատների, կանտոնների իւրաւ մէջ և վերջիններիս ու մասնաւոր անհատի կամ անհատների մէջ տեղի ունեցող վէճերը։

Նորա իրաւասութեանն են ենթարկուում նոյնպէս հալմաթլոզների մէջ տեղի ունեցող հարցերը և բացի այդ՝ ապահարզանի և կրկնամուսնութեան վերաբերեալ խնդիրները և այլն։

II. Քրէական լանցանքների համար ատեանը բաժանւած է մեղադրական ատեանի (chambre d'accusation), քրէական ատեանի և վճռաջինջ ատեանի (chambre de cassation), որոնք նշանակուում են մի տարի ժամանակով։ Քրէական ատեանը կազմուում է 12 երդեալներից ¹⁾։

Դաշնակցութիւնը բաժանուում է 5 շրջանի, որոնցից իւրաքանչիւրը ունի իւր դաշնակցական քրէական ատեանը, իսկ Նիստերի տեղի մասին ամեն անգամ երբ կարիք կալ, որոշուում է, թէ ուր պէտք է լինի։ Քրէական ատեանը բաղկանում է 3 անդամներից և երեք փոխ անդամներից։ Իւրաքանչիւր մի կարգ Նիստերի համար դաշնակից ատեանը նախադա՛ն է նշանակում։

Քրէական ատեանում դատուում են դաշնակցութեան պաշտօնեաները, դաւաճանութեան համար կամ դաշնակից իշխանութեան վրալ գործ զրաժ բռնութիւնների համար։ Ժողովրդի իրաւունքների դէմ կատարած լանցանքները, Նա է դատում նոյնպէս քաղաքական ալն լանցանքները, որոնք պատճառ են եղել խռովութիւնների և դաշնակից ուժի միջամտութեան։ Հասարակաց իրաւունքի վերաբերեալ հարցերը նորա իրաւասութեանն են ենթարկուում, ինչպէս դատաստանական բարձր ատեանի, Նա է վճռում դաշնակցութեան ու կանտոնների և ալս վերջիններիս իրար մէջ ունեցա՛լ վէճերը։ Պաշտպանում է քաղաքացիներին, ապահովելով նրանց իրաւունքները, թող չը տալով, որ խախտեն սահմանադրութեան լօղւածները։ Իսկ դաշնակից խորհրդի ու դաշնակից ատեանի մէջ ծագած վէճերը ենթարկուում են պարլամէնտի իրաւասութեան։

Այժմ պատրաստուում է նոր պրօէկտ դատաստանական կաղմակերպութեան։ Լրագիրները իրանց էջերը լալն բացել են, հիւրընկալելով

¹⁾ Երգւեալ դատաւոր կարող է ընտրւել իւրաքանչիւր մի գւեցերիացի, որը ընտրւելու իրաւունք ունէ Դ. Սահմ. զօրութեամբ։ Բացառութիւն են կազմում եկեղեցականները, դատաստանական բոլոր ծառայողները և աստիկանական պաշտօնեաները, որոնք կարող չեն ոչ ընտրւել և ոչ ընտրւել։ Երգւեալ դատաւորները ընտրւում են անմիջապէս Ժողովրդից։

հարցին վերաբերեալ չափազանց կարծիքները և թեր և գէմբրը: Կ'ընդունւի արդեօք նոր կազմած պրօէկտը, թէ ոչ, հաստատ ոչինչ չի կարելի ասել ի հարկէ, քանի որ դեռ նա կազմուած է միայն աւաքանս կարելի է ասել, որ, կազմելուց չետոյ, պատրաստի պրօէկտը դեռ երկար մամուլի քաւարանում կը քաւէ իւր մեղքերը. իսկ անտեղից էլ կամ անքան զիմացկութիւն կ'ունենալ, որ ղտւած լոյս աշխատի զալով կը մկրտուի ապրելու և կամ մահւան կը դատապարտուի ալ պրօէկտի տեղ տալով, ինչ և իցէ անցնենք կանտոնական սահմանադրութեան:

D. ԿԱՆՏՈՆՆԵՐԻ ՍԱՀՄԱՆԱԳՐՈՒԹԻՒՆԸ

Արդի կանտոնները բոլորն էլ անխտիր ռամկապետական կազմութիւն ունեն. ալն ինչ հին կանտոններում տեղի ունէր երկու ձևի վարչական կազմութիւն՝ ռամկական հասարակապետութիւն և ազնւական հասարակապետութիւն:

Ռամկական գրուպպային պատկանում էին փոքրիկ կանտոններից մի քանիսը—Շւից, Ուրի, Ունտերվալդէն, Գլարիս, Ապպենցել, որոնց քաղաքական զլխաւոր օրգանը մալխեան ժողովն էր (Landsgemeinde): Այդ կանտոններում օրէնսդրական իշխանութիւնը պտանւում էր ուղղակի ժողովրդի ձեռքում, ասել է ամենքը անխտիր մասնակցում էին վարչութեանը հաւասար իրաւունքներով:

Ազնւական հասարակապետութիւններ էին զլխաւորապէս Բէրն և Յիւրիխ քաղաքները, ուր քաղաքական զլխաւոր օրգանը կազմում էր ազնւականաբար կազմւած փակ ժողովը, նամանաւնդ Բէրնում. իսկ Յիւրիխում դէր էին խաղում նոյնպէս, բացի բարձր դասակարգից, նաև աբբաթութիւնը և բուրժուազիան կամ երրորդ դասակարգը (le tiers état):

Այս կանտոններին մօտ էին նոյնպէս մի քանի ալ կանտոններ. ինչպէս՝ Սոլէօր (Soleure) և Յիւրիխի աւելի մօտ Բէրնին, և Բադէ ու Շաֆհաուզէն—Յիւրիխին: Վերոյիշեալ բոլոր կանտոններում, գիւղական աշխատաւոր և հասարակ դասը զրկւած էր իրաւունքներից և չէր մասնակցում վարչութեան: Բոլոր իշխանութիւնը կենտրոնացրել էր բարձր և բուրժուական դասակարգը, ինչպէս և հոգևորականութիւնը իւր ձեռքում: Բացի վերոյիշեալ գրուպպաներից կալին և նւաճւած երկիրներ և դաշնակից քաղաքներ: Ֆրանսիական մեծ լեղափոխութիւնը վերջ է տալիս իրերի ալդ գրութեան, խոր վիճակացանելով անցեալի և ներկայի մէջ «մարդու բնական իրաւունքների բացարձակօրէն չափաւարելովը», որի հետևանքը եղաւ, ինչպէս լիչեցի առաջին մասում, Հէլւէտական «հասարակապետութիւնը» իւր սահմանադրութիւնով, որով վերացնւում է դասական անհաւասարութիւնը, ճանաչելով բոլոր քաղաքացիներին համահաւասար իրաւունքներով:

Այդ սամանակից սկսած կաղմում են և գրուպպաներ, Կանտոններ, որոնք սահմանում են անմիջական ռամկական, մնացածները ներկայացուցչական ռամկական-հասարակապետական սահմանադրութիւն: Թո՛ղ. 6. ղ. ս. որոշում է ալթմ երկու կարգի կանտոնական սահմանադրութիւններ. անմիջական ռամկական, ինչպէս են Ուրի, Ունդէրվալդէններ (ստորին և վերին) և Ապպէնցեր (արտաքին և ներքին լո՛ղ. (Rhodes extérieurs et Rhodes intérieurs) և Գլարիս: Արդ կանտոնները մինչ ալսօր ունեն մալիսեան ժողովը, ուր կանտոնի բոլոր քաղաքացիները համախմբւած մասնակցում են օրէնսդրական իշխանութեան: Այդ ընդհանուր ժողովում ընտրում են կանտոնական իշխանութիւնները, գործադիր և օրէնքների պրօէկտներ կալմելու համար, իսկ կաղմւած պրօէկտները քննում և ընդունում են միմիայն ալն ժողովում, բացի մի քանի բացառութիւններից որ կը տեսնենք շտոպ: Այդ ժողովին է ուրեմն պատկանում ինչից իստիւլը և սանկցիան, (sanction):

Ներկայացուցչական ռամկապետութիւններին պատկանում են մնացած միւս կանտոնները շատ չնչին զանազանութիւնով: Բադէլ (քաղաքը) ունի ռէֆէրէնդում բոլոր օրէնքների վերաբերեալ: Ժընէւը ունի ռէֆերէնդում, ինչպէս և Լիւցէրն, Նիւշատէլ, Վօ (canton de Vaud) և Շաֆհաուզէն. Յրիբուրգի, Վալէի և Թէսսինի կանտոններում ռէֆերենդումը ներկայացուցիչների ժողովին է պատկանում: Բադէլ (քաղաքը) Սոլէօր (Soleure), Յիւրիս, Գրիգոն, Բէրն կանտոններում ժողովրդի անմիջական հաճութիւնը անհրաժեշտ է ներկայացուցիչների ժողովի բոլոր օրինագիծների համար:

Նրկար կը լինէր ալստեղ մի առ մի կանգ առնել իւրաքանչիւր կանտոնի սահմանադրութեան վրայ, ի նկատի ունենալով, որ իւրաքանչիւր մի գրուպպայի կանտոնների սահմանադրութիւնները գրեթէ միեմուն են շատ չնչին տարբերութեամբ. ուստի և ես կը բաւականանամ ալստեղ կանգնելու իւրաքանչիւր գրուպպայից մի կանտոնի վերալ, որով զաղափար կարող էք կալմել և միւսների վրայ. Սո՛ կ'առնեմ մի գրուպպայից Ժընէւը:

Ժընէւի կանտոնը ներկայացուցչական ռամկապետութիւն է: Արդի գործադիր սահմանադրութիւնը դրութիւն ունի 1879 թւականից: Բոլոր քաղաքացիները վաւելում են հաւասար իրաւունքներ և քսան տարեկանից չափահասեն, ուրեմն և կարող են ընտրել. իսկ ընտրելու համար պէտք է ունենալ 25 տարեկան հասակ:

Օրէնսդրական իշխանութիւնը պատկանում է բարձր խորհրդին (grand conseil), որի անդամները ընտրում են կանտոնի քաղաքացիների (citoyen) անմիջական ընդհանուր քւէով: Օրէնսդրական իշխանութիւնը պատկանում է նոյնպէս բոլոր քաղաքացիներին, որոնք կերարկում են (l'exercant) ալք իշխանութիւնը՝ թէ սահմանադրական օրէնքները քւէար-

կելով պլէբսցիտի միջոցով և թէ ակ՝ ոչ սահմանադրական օրէնքները քաղականութեան համար ¹⁾։

II. Գործադիր իշխանութիւնը պետական խորհրդին (conseil d'état) է պատկանում, որի անդամները նշանակւում են ընդհանուր քւէարկութեամբ (Suffrage universel)։ Պետական խորհուրդը մասնակցում է օրէնսդրական իշխանութեանը և բաժանում նրա հետ լինելատիւ իրաւունքը։ Նա իրաւունք ունի նշանակել պահանջելու, որ բարձր խորհուրդում կազմւած և քւէարկւած որ և է մի պրօէկտ երկրորդ անգամ քննութեան և քւէարկութեան ենթարկւի։

III. Դատաստանական գործերը կառարում են կանտոնական ատեանները (tribunaux)։

Կանտոնը բաժանւում է համայնքների, որոնցից իւրաքանչիւրը ունի իւր մունիցիպալական խորհուրդը (conseil municipal), համայնք երէցը (maire) և օգնականներ (adjoints), որոնք ընտրւում են անմիջական քւէարկութեամբ։

I. Բարձր խորհուրդը, Անդամները ընտրւում են 2 տարով։ Ամբողջ կանտոնի ընտրողական երեք շրջաններում ընտրել կարող են 20 իսկ ընտրւել 25 տարեկանից. բացառութիւն կազմում են եկեղեցականները, որոնք զրկւած են թէ ընտրելու և թէ ընտրւելու իրաւունքից։

Խորհրդի նիստերը սկսւում են 2 անգամ տարեկան՝ մայիսին և դեկտեմբերին։ Նա ունի իւր նախագահը և 2 փոխ նախագահ, որոնց ընտրում է խորհուրդը իւր անդամներից մի տարի ժամանակով։ Նիստերը լինում են բաց, հրապարակօրէն։

Բարձր խորհրդի իշխանութիւնը ունի ինիցիատիւ իրաւունք պետական խորհրդի հետ միաբան։

Նա հրաւիրում է պետական խորհրդին ներկայացնելու օրինագծեր. վերջինս պատասխանում է բարձրագոյն խորհրդի կանոնաւոր նիստում

¹⁾ Բէրնի կանտոնում օրէնսդրական որ և է մի պրօէկտի հաստատութեան համար անհրաժեշտ է և պարտադիր ժողովրդի սանկցիան. իսկ Յիւրիխում ժողովուրդը բացի այդ ունի և ինիցիատիւ. մնացեալ կանտոնները (ներկայացուցչական) նմանում են կամ մէկին կամ միւսին։

²⁾ Իբր որ և իցէ մի օրինադէժ ընդունեց և ձեւակերպւեց բարձր խորհուրդում, ապա այդ օրինադէժը ուղարկւում է պետական խորհրդին՝ հրատարակելու համար։ Վերջինս մինչ 6 ամիս ժամանակ կարող է կրկին յետ ուղարկել այդ օրինադէժը իւր նկատողութիւններով։ Երբ կրկին անգամ բ. խորհուրդը ուղարկում է՝ հրատարակում է, հրատարակւած օրինադէժը մինչ 30 օր կարելի է բէժէ բէնդ ուժի ենթարկել։ Երբ մինչ այդ ժամանակամիջոցը լրանալը բէժէ բէնդ տեղի չ'ունեցաւ կամ քւէարկողներ թիւը բաւական չէր, ապա պետական խորհուրդը հաստատում է օրինադէժը։

թէ ինչու ընդունում կամ մխտում է պետական խորհրդի ներկայացրած պրոէկտները, Նա ունի իւր արտաքու կարգի նիստերը, ուր իրաւունք ունի միմիայն դրադեւու ալն հարցերով, որոնց համար մողովւած է, Նա է քւէարկում հարկերը, որոշած ծախսերը, փոխառութեան քանակութիւնը որոշում, Նա ստանում և հաստատում է տէրութեան հաշիւը, Նա է որոշում հասարակական պաշտօնեաների ռոճիկները և որոշում նոցա թիւը, Ամեն սարի պետական խորհրդից հաշիւ է ստանում վարչութեան լուր ճիւղերի մասին, ալդ հաշիւը ներկայացնում է առանձին մի մասնաժողովի վերաստուգութեան և քննութեան, որի աւած զեկուցումից ետոյ ապա թէ հաստատում է:

Նրան է պատկանում նոյնպէս քրէական լանցանքների համար ներումն շնորհելը:

Նրան է պատկանում դատարանների պաշտօնեաներին հաստատելը (մի քանի բացառութիւններով):

Սակալն նորա գերիշխանութիւնը սահմանափակում է դաշնակցական սահմանադրութիւնով: Նորա կարողութիւնից վեր է վերաքննել կամ փոփոխել կանտոնի սահմանադրութեան, որը ծանրալիշու հարց է: Որէնսդրական կանտոնական իշխանութիւնը (բարձր խորհուրդը) մասնակցում է դաշնակցական օրէնսդրական իշխանութեան և ալդ իրաւունք ունենալով՝ մասնակցում է պետութեանց խորհրդի անդամներ նշանակելուն կանտոնի համար:

Պետական խորհուրդը (գործ. իշխանութիւն). բաղկացած է 7 անդամներից, որոնք ընտրւում են 2 տարի ժամանակով ժողովրդի ընդհանուր քւէարկութեան ձայների առաւելութիւնով (իւրաքանչիւր կանդիդատի համար):

Ընարւել կարող են միմիայն աշխարհականները 20 տարեկանից: Միանգամից ընտրւել չեն կարող երկու եղբայրներ, հաշիւ և որդի, պապ և թոռ, և ոչ փեսայ և կնոջ հաշիւ: Ոչ մի պետական խորհրդական իրաւունք չ'ունի կրել օտար համադգևոտ, ոչ շքանշան, աստիճան կրել կամ թոշակ ստանալ օտար պետութիւնից: Եթէ նա ստանում է թոշակ կամ որ և է մի աստիճան կամ շքանշան ունէ, ապա ընտրւելուց չ'ետոյ ղրկւում է ալդ բոլորից:

Պետական խորհուրդը ընտրում է իւր անդամներից մի նախագահ և մի փոխ-նախագահ մի տարի ժամանակով: Նախագահը երկրորդ անգամ ընտրւել կարող է, երբ չ'աջորդ տարին նախագահի պաշտօն չէ վարել:

Նա հրատարակում է օրէնքը և հարկաւոր է հաստատութիւն տալիս գործադրութեան համար: Նորա հսկողութեանն են ենթարկւած կանտոնի ցածր իշխանութիւնները: Նա հսկում է նոյնպէս դատարանների ճշդութեան: Ոստիկանական կարևոր կանոններ հաստատում և հսկում ոստիկանութիւնը: Նորա իրաւասութիւն է ենթարկւած կրթական գործերին

հսկելը, Ներկրի ներքին խաղաղութիւնը պահպանելու համար նա իրաւունք ունի մինչ ութ օր 300 հոգի ցօրք պահել. իսկ աւել եթէ կարիք եղաւ պահելու՝ նա պարտաւոր է դիմելու բարձր խորհրդին:

Ամեն տարի զեկուցումն է անում բարձր խորհրդին՝ վարչութեան, բիւդձէի, ֆինանսի վերաբերեալ. նա է արտաքին լարաբերութիւններին մէջ մտնում, որքան ալդ թող է տալիս դաշնակից սահմանադրութիւնը:

Պետական խորհորհուրդը պատասխանատու է համեմատելի, երբ խախտել է սահմանադրութեան որևէ լօղաւոր, գործ է ածել ապօրինի կերպով պատերազմական ուժը և եթէ հարստահարելու բռնութիւն է գործ դրել, իհարկը գործ ածելով իշխանութիւնը մասնաւոր անհատներին դէմ:

Դատի ենթարկել կարող են թէ պետական խորհրդին և թէ իւրաքանչիւր անդամին առանձին, իւրաքանչիւր քաղաքացի, որի իրաւունքները բռնաբարւա՝ կամ խախտած են և կամ ընդհանուր պրօկուրորը: Նրբ դատարանի են ենթարկած բոլոր անդամները, ապա ատենանը կազմում է 36 երդեալներից. իսկ երբ իւրաքանչիւր անդամը առանձին, ալդ դէպքում 12 երդեալներից է կազմում ատենանը: Պարզ է, որ նման մի սխտեմով, ուր իւրաքանչիւր քաղաքացի իրաւունք ունի դատարանի առջև ինչպէս մեղաւորութեամբ անում են քարշ տալու վարչական ալն պաշտօնեաներին և նոյն իսկ եթէ լաւ ինկատի ունենաք որ ամբողջ վարչութիւնը պատասխանատուութեան է ենթարկում, կրկնում եմ ալդ տեսակ սկզբունքներով վարող վարչութիւնը ոչ մի անօրինութիւն չի կարող կատարել. իսկ մի ալ կողմից, եթէ լաւ նախնաք, պաշտօնեան իւր պաշտօնից զրկել չի կարող նոյն իսկ բարձր իշխանութիւնից, մինչ դատարանով չը հաստատուեն նորա կատարած չարադրութիւնները և կատարած կեղծութիւնները¹⁾: Ալդ տեսակ մի հանդամանքում պաշտօնեաները, ակներև է, որ կախում չ'ունին ալս կամ ալն բարձր իշխանութեան կապրիզներից, որոնց ետևից ոչխարների ջոկերի նման ընթանում են շատ տեղերում. ինչ և իցէ:

Ընտրողութիւնները, Դաշնակցական խնդիրներում իւրաքանչիւր քաղաքացի ինչպէս տեսանք վերը՝ առաջին գլխում, 20 տարեկանից չափահաս է. իսկ կանտոնական հարցերում, իւրաքանչիւր ժենէլացի 20 տարեկանից իրաւունք ունի. ալդ իրաւունքը ունին և միւս կանտոններին քաղաքացիները, որոնք ապրում են մի տարից ի վեր կամ հաստատւել են (բնակութիւն են հաստատել) երեք ամսից ի վեր: Ոչ ոք կարող չէ մի համալնքից աւելի ուրիշ համալնքում ընտրել. իւրաքանչիւրը իրաւունք ունի ընտրել ալն համալնքում, ուր բնակւում է: Յանցաւորները, որոնք

1) Բէլընում որևէ իցէ մե պաշտօնեայ իւր պաշտօնից զրկել կարող է լոկ ժամանակաւորապէս մինչ դատարանի մէջիւր (յօդւած 18):

դատւած են, զրկուած են ընտրողական իրաւունքից. որոնք քաղաքական լանցանքների համար են դատապարտւած, կարող չեն ընտրել, մինչ ժամանակամիջոցը լրանալուց չետոյ երեք տարի անց, իսկ մնացեալ լանցաւորները մինչ դատարանի որոշած ժամանակը լրանալը:

Պէտք է նկատած, որ իւրաքանչիւր մի ղւիցերիացի պէտք է անպատճառ պատկանէ որ և իցէ մի համայնքի, առանց որին նա քաղաքացիական իրաւունքներ չէ վաչելու: Եթէ լաւ նաչելու լինենք, իսկապէս դաշնակցութեան կամ կանտոնի քաղաքացիներ չը կան, ալ կան ալսպէս ասած համայնքների քաղաքացիներ, իսկ ով հաւաքնքի քաղաքացի է, նաև կանտոնի և թէ դաշնակցութեան քաղաքացի է, ալսպէս որ համայնքների ներկայացուցիչներն են դատւուած կանտոնի վարչութեանց մէջ. ուրիմն ասել է, ով համայնքի չէ պատկանում, ուրիմն և ընտրողական իրաւունք չ'ունէ: Օրինակ՝ հալմաթլուղները: Իւրաքանչիւր քաղաքացի արձանագրւած է ալս համայնքներում, ուր գտանւում է նորա իրական բնակութիւնը (domicile réel): Ներքին գործերի դէպարտամէնտը ունի երկու մատեան, որոնցից մէկում գրւում են իւրաքանչիւր մի համայնքում ապրող ղւիցերացիները մէկում արձանագրւում են ալս քաղաքացիների անունները, որոնք իրաւունք ունին լոկ դաշնակցական քւէարկութեան. իսկ միւսում նոցա անունները, որոնք իրաւունք ունին կանտոնական քւէարկութեան: Այդ մատեանները ի նկատի առած՝ պետական խորհուրդը իւրաքանչիւր տարւալ սկզբին կանտոնի ընտրողների ցուցակն է կազմում, իւրաքանչիւր համայնքի համար առանձին, որոնք տպագրւելով ուղարկւում են բոլոր համայնքներին: Առանձին մի մասն ա ժողովից և մուկ իցի պալ խորհրդից ընտրւած ներկայացուցիչներից (իւրաքանչիւր համայնք ընտրում է համեմատ աղգարնակութեան) ընտրողութիւնից 6 օր առաջ ստուգւում են ցուցակները և հաստատելուց չետոյ՝ կախում են մի օր առաջ միւս ցուցակների մօտ և ալդ ցուցակների վրալ արձանագրւածները լոկ իրաւունք ունին ընտրելու:

Ամբողջ կանտոնը բաժանւած է 24 ընտրողական շրջանների: Ալդ շրջանները հաւաքւում են իւրաքանչիւր 3 տարին մի անգամ հոկտեմբերի վերջին կիւրակի օրը ընտրելու աղգալին ժողովի 5 անդամներին:

Բարձր խորհրդի անգամներ ընտրելու համար հաւաքւում են երկու տարին մի անգամ, իւրաքանչիւրը իւր շրջանում (24 շրջաններից մէկում). իսկ քւէահամար անում է երեք շրջաններում: Օրինակ, Ժընէլ քաղաքը կազմում է մի շրջան, Ռոնալի աջ ափը երկրորդ, իսկ ձախը երրորդ:

Պետական խորհրդի ընտրութեան համար բոլորեքեան, որոնք իրաւունք ունեն ընտրելու, հաւաքւում են Ժընէլ, իւրաքանչիւր 2 տարին մի անգամ նոյեմբերի առաջին կիսում: Ամբողջ կանտոնը ինչպէս ասացի, բաժանւած է համայնքների, Ժընէլ քաղաքը կազմում է համայնքներից մէկը:

Իւրաքանչիւր համայնք ունի իւր մունիցիպալական խորհուրդը (conseil municipal), որի անդամները ընտրւում են համայնքի բոլոր ընտրողներից, ունի իւր համայնքներէցը (maire) և օգնականներ (adjoints), որոնց նույնպէս ընտրում են համայնքի ընտրողները: Համայնական խորհուրդը, համայնքներէցը և օգնականները կազմում են համայնքի վարչական մարմինը: Ժընէլ քաղաքում համայնքերէցի և իւր օգնականների փոխարէն կազմվարչական խորհուրդ (conseil administratif) հինգ անդամներից բաղկացած:

Համայնական ընտրողութեան իրաւունք ունեն արն ժընէլացիք որոնք ծնւել և ապրում են համայնքում, կամ ապրում են մի տարուց ի վեր: Իսկ միւս զւիցերիացիներից նոքա, որոնք հաստատւել են 3 ամսից ի վեր:

Համայնական խորհուրդը բաղկացած է 7—18 անդամներից. նախած համայնքի բնակիչների թւին: Ժընէլ քաղաքի խորհուրդը բաղկանում է 41 անդամներից: Ուլ ընտրւելու իրաւունք ունի, կարող է և ընտրւել. ոչ ոք միանգամից կարող չէ պատկանել համայնական երկու խորհրդի: Պետական խորհրդականները, եկեղեցականները, համայնքի եկամուտների հաշւակալը, համայնքից վարձք ստացող ծառայողները ընտրւել կարող չեն:

Հալը և որդի կարող չեն միևնույն ժամանակ համայնքների օգնական կամ խորհրդական լինել: Համայնքի խորհուրդում երկու եղբայրներից աւել չեն կարող լինել:

Համայնքի վարչական մարմնի անդամները ընտրւում են 4 տարով և փոխւում կամ նորից ընտրւում են մի անգամից:

Խորհուրդը ունի իւր կանոնաւոր նիստերը, որոնք սկսւում են տարեկան 2 անգամ: Նիստերը ունեն: Խորհուրդը նշանակում է մի նախագահ, մի փոխ նախագահ և մի քարտուղար: Գործերը վճռւում են ձայների առաւելութիւնով: Ժընէլի և Կորուսի համայնական խորհուրդը հաստատում է իւր ներքին կանոնադրութիւնները: Իսկ միւս համայնքների խորհուրդի հաստատւելը կարօտ է պետական խորհրդի հաւանութեան:

Խորհուրդը հաստատում է համայնքների պատրաստած տարեկան բիւջէն: (Ժընէլում վարչական խորհուրդն է կազմում). նախ հաստատում բիւջէից դուրս ծախքերը, համայնքների կամ վարչական խորհրդի տարեկան հաշիւը: Համայնական ստացւածքների կառավարելու ձեւը և ալք ստացւածքներից օգտւելը, նրանց պահպանելը և բարելաւելու միջոցները որոշում: Անշարժ կալքերի փոխանցումն (aliénation), փոխելը, բաժանելը և ստացւածքի ձեռք բերելը հաստատում: Համայնքին արած պարգևները և նշանակները հաստատում: Համայնքի շինութիւնների պրօէկտը կամ շինւածքների քանդելը խորհուրդն է հաստատում, ինչպէս և նոր ուղի, փողոց, ճանապարհներ անցկացնելը և կամ լօգոստ ընդհանուր սեփականում մաս-

նաև որ ստացածքներս Վիզական համայնքներում, խորհուրդը, բացի այդ, հաստատում է ճանապարհների պահպանութեան համար կարևոր աշխատութիւնները: Նա հաստատում է նոյնպէս տեղական հարկերը, եթէ մշտական ծախսերը եկամուտները չեն ծածկում (մշտական), ապա խորհուրդը կարող է արտաքույ կարգի հարկեր նշանակել:

Համայնական խորհուրդի բոլոր վճիռները իրադրութիւն են. մշտնջերա հաստատած աւարեկան բիւջէն և այն արտաքույ կարգի ծախսերը, որոնց նա որոշում է երբեք չի 1/10-ից աւելի: Կարօտ է պետական խորհրդի վերահաստատութեանը, ինչպէս և համայնքի ստացածքներ և բիւջի սահմանումն, անշարժ կալքերի բաժանումն և այդ ստացածքներին վերաբերեալ դատաստանական բոլոր դոժողութիւնները, իսկ կապալի համար, եթէ 9 տարից աւելի ժամանակամիջոցով է տրուած, նոյնպէս անհրաժեշտ է պետական խորհրդի հաստատութիւնը: Պետական խորհուրդն է նոյնպէս վերահաստատում լողուտ ընդհանուր և տեղական, տարեկան այն հարկերը, որոնք սովորական եկամուտներից արտաքույ են և եթէ այդ եկամուտները որոշած են Վիզական համայնքների վերակացուների, տարրական ուսումնարանների պաշտօնականների ռոժիկների համար, ճանապարհների, ուղիների պահպանութեան, հրէջք դրածիւրների նորոգման համար և այլն: Պետական խորհուրդը ոչնչացնում է այն վճիռները, որոնք կապեցել են ապօրինի խորհուրդում (եթէ մեծ րադումութիւնը ներկայ չէ և կամ խորհրդի անդամներից նոյն, որոնք որեւիցէ չափ տեսն ապր վճարից ներկայ են եղել): Համայնքները, եթէ գտնում են, որ իրանց իրաւունքները խախտւած են պետական խորհրդի որեւիցէ մի կարգադրութիւնով, ապա այդ կարգադրութիւնների համար ամուսա ընթացքում կարող են դիմել բարձր խորհրդին, հարցը քննելու: Եւ եթէ բարձր խորհուրդը չաճնում է մի առանձին մասնաժողովի քննութեան, ապա համայնքը կարող է ունենալ իւր նրկու ներկայացուցիչները մասնաժողովի անդամների թւում: Գործադիր իշխանութիւնը պատկանում է համայնքի երէցին և օգնականներին, որոնց նշանակում են համայնքի բնակիչները ընդհանուր քուէով: 3 տարի ժամանակամիջոցով: Ընտրել կարող են 25 տարեկանից համայնքի ըզլոր ընակիչները, իսկ ընտրել՝ 20 տարեկանից: Ընտրւել կարող չեն տարրական ուսումնարանների այն պաշտօնականները, որոնց ռոժիկը մասամբ կամ ամբողջովին համայնքն է վճարում: Համայնքերէցը և օգնականները մանակայում են համայնական խորհրդին: Նրանք, ինչպէս և միւս խորհրդականները իրաւունք չունեն մասնակցելու, երբ վճարւում հարցը վերաբերում է դեյա ազգակաճններին¹⁾:

Համայնքէրէցը հսկում է համայնքի վերակացուներին (gardes ruraux),

1) Խնամութեան առաջն առնելու համար:

ստանում համալնքին արած բոլոր պարգևները և կտակները (անշարժ կալքերին վերաբերեալ)։ հսկում է համալնքի ներքին խաղաղութեան։ Նա կարող է կալանաւորել համալնքի անդամներին, որոնք բռնութիւն են գործ գնում ժողովրդի պաշտօնեաների և նրա իրաւունքի ներկայացուցիչների վերաջ։ միայն թէ նախօրէն ընդհանուր պրօկլուրորի կարգադրութիւնը ստանալով, իսկ առանց այդ նա կարող չէ։ Համալնքերէցը և թէ օգնականները պատասխանատու են։

Ժրնէւ քաղաքի գործադիր իշխանութիւնը վարչական խորհուրդն է։ սակայն նա, վարչական խորհուրդը (5 անգամներից բաղկացած և ժողովրդի անմիջական քւէով ընտրւած), ինչպէս համալնքի համալնքերէցը, ոստիկանական գործերով չի զբաղւում։ Մի կողմ թողնելով առաջիկ համալնքի վրալ աւելի խօսելը, որի վրալ կանգ կ'առնեմ փոքր ինչ խտու, ես կ'անցնեմ կանտոնական դատաստանական գործերի մասին մի քանի խօսք ասելու։

(Լը շարունակւի)